

Uma Pido lavastaja konkurss

Otsitas takan neländä Uma Pido lavastajat!

Minkast är' tunnõt:

- saa arvo võro keelest; viil parõmb – mõist võro kiilt kõnõlda'
- tund lõunaestläisi kultuuri vai taht tuud hindäle selges tetä'
- mõist inemiisiga läbi saia' ja ütte tüütädä'
- arvas, et ilmaelo ja võrokõsõ arvosaaminõ tuust om üts kistumalda põnnõv asi ja taht tuud neländä Uma Pido lavastusõn vällä näüädädä'
- mõist vällä märki', kuis saasi' pidol ütevõrra hää olla' ülesastjil ja kaejil, nii et egäüts tunnõsi är', et taa om kõigi ütine pido
- tiid, kuis panda' pido kõnõlõma mõtsast ja väeliisist puiõst
- mõist vällä üldä' võrokeelidse sõna „pedäjämähajauh“

Kiä om säänest inemist trehvänü? Andkõ' teedä'!

Pikembält loe' tast edesi:

Hää inemine,

arvada' olõt Sa kuulnu joba kolmõl kõrral (2008 Võrol, 2010 Põlvan, 2013 Võrol) olnu võrokeelitsest laulu- ja rahvapidost Uma Pido. IV Uma Pido tulõ Põlvan 28. mail 2016. Tuud om joba naadu' ette valmistama. Pido kõrraldustoimkund otsust' sammamuudu nigu inne eelmäidsi pitõ ka seokõrd kõrralda' lavastaja löüdmises konkursi.

Ku Sa tahassi IV Umma Pito lavalõ säädi', sõs oodami Sult ildampa 28. oktoobris 2014 kirja, kon kõnõlõt umast lavastusideest kõüdetült pido teemaga (mõts ja väelidse' puu') ja tuust, kedä mõtlõt miiskunda üten kutsu (kunstnik, liikmisjuht, kuurõ üldjuht vms).

Lavastaja põhitüü olõs pido pääkontsõrdi lavalõsäädmine, a oodõtas häämeelega ka mõttit pido pääväprogrammi, rongikäügi ja kõgõ muuga kõüdetült.

Ku tunnõt, et tahat saia' teedüst mano', sõs otsi' tuud Uma Pido kodoleheküle päält www.umapido.ee, küsü' aadrõsi triinu.ojar@wi.ee vai telefoni 533 22 153 päält. Ku Sa arvat, et uma kontseptsiooni vällämõtlõmisõ man avitasi Sinnu varatsõmbist pitõst tett filmi', sõs lepimi kokko, kuis Sa noid kaia' saassi.

Toimkunna esindäjä' tegevä' otsussõ 31. oktoobril 2014 Põlvan. Ku olõt uma kandidatuuri üles säädni, sõs ku saat, panõ' hinnäst valmis näidega kokkosaamisõs. Kelläao ja kotussõ annami teedä'.

Hääd vällämärkmist!

IV Uma Pido toimkunna nimel

Triinu Ojar,

Uma Pido projektijuht